



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Ipreensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

§. 6. Avitus æmulator est rebellum trium Capitul. Defens.

urn:nbn:de:hbz:466:1-39351

§. 6.

Abitus emulator est rebellium trium Capitulorum Defensorum, non credendo Romanorum Pontificum Declarationibus circa Authoritatem S Augustini.

Quem ista mea Confessio non sanat; non jam Chalcedonensem Synodum diligit, sed Matris Ecclesiae sinum odit. S.Greg.l.3.ep.3.

VIris peritis exploratissimum est, quos turbines in Ecclesiâ exciverit Synodalium Chalcedonensium ignoratio Actorum, quæ nec Vigilium Papam excepit, præsertim cum Authenticam eorum copiam nondum nactus foret, ut ipse fatetur in suo pro tribus Capitulis non damnandis Constituto his verbis: *Qui à Græcâ lingua sumus ignari, nunc per nostros, qui ejusdem lingue videntur habere notitiam, Gestâ Chalcedonensis Conciliâ in Synodalibus Codicibus diligentissime perquirentes &c.* Atquè itâ alienis credulus oculis à damnatione trium Capitulorum ac Synodi V. Confirmatione itâ exhorruit, ne Chalcedonensi vulnus infligeret. Et cum subscribere cogeretur, addidit, sub aliquâ dispensatione adjectâ hâc Clausulâ: *Sacra in omnibus reverentia Synodi Chalcedonensis, conformiter ad Clausulam Edicti Imperialis: Si quis dicit nos hac ad abolendos aut excludendos Sanctos Patres, qui in Chalcedonensi fuere Concilio, dixisse, Anathema sit.* Dein iussus, ut absolute Capitula sine Synodi Chalcedonensis mentione, & omni modificantate clausulâ damnaret, non acquievit. Tandem re maturius discussâ trium Capitulorum damnationem

R. r. tricem

626 EXCURSUS CONTRA

tricem Synodum confirmavit, ut ex Epistolâ confirmatoriâ ad Eutichium Patriarcham Constantinopolitanum directâ liquet. Adducit in facti sui justitiam S. Augustinum in Sacris Scripturis Doctorem Clarissimum, ac Romanæ eloquentiæ Magistrum, qui etiam sua scripta retractavit, inquit Exim Lupa^s.

Lupus. in
Notis. ad
conc. s. c. 6.

L. 7. ep. 57.

L. 1. ep. 24.

L. 2. ep. 10

Interim in opinione violatæ per trium Capitulorum damnationem Chalcedonensis Synodi perstiterè plurimi, & Jansenianorum more se de Martyrii gloriâ palpaverunt, schisma fecerunt prælestim Istrii, Afri, & Hispani, quos Magni Gregorii sapientia & prudentia circâ factum illud sibi credere fecit, & ad unitatem revocavit, declarando utique se Chalcedonensem Synodum per omnia venerari, Quintumque Concilium nullâ ex parte tria ista Capitula damnando adversari, prout ab imperitis fuerat persuasum, etiam non discernentibus acta post Synodum Chalcedonensem à Synodalibus gestis, & ignorantibus cum resistentium certamine, & reservata accusatione Theodoreti Personam ad Confessum Chalcedonensem fuisse admissam. Gregorii Magni monumenta subeamus. *Synodus*, ait, *qua post Chalcedonensem generaliter facta est, idcirco à nobis recipitur, quia ejusdem Synodi in omnibus sequax honorem illius, Authoritatemque custodit.* Quintum quoque Concilium pariter veneror. *Quisquis aliter sapit; Anathema sit. De personis, de quibus post terminum Synodi Chalcedonensis aliquid actum fuerat, Justiniani temporibus est Ventilatum, ita tamen, ut nec fides in aliquo violaretur, nec de eisdem personis aliquid aliud ageretur, quam apud eandem Synodum Chalcedonensem fuerat constitutum.* Et Constantio scribit: *fateamini, nequè vos aliquid de fide Chalcedonensis Synodi imminuire, nequè eos, qui imminuunt, recipere:*

¶ quoscumque damnavit, damnare, & quoscumque absolvit, absolvere. Item: in Synodo, in qua de tribus Capitulis actum est, nihil de fide convulsum esse, vel aliquatenus immutatum. Et rursum profitetur: Nos Authore veritate, teste conscientia fatemur nos fidem Sanctae Chalcedonensis Synodi per omnia illibatam custodire, nihilque ejus definitioni addere, nihil subtrahere audere.... Quem igitur ista mea confessio non sanat, non jam Chalcedonensem Synodum diligit, sed Matri Ecclesiae sinum odit. Et cum remisisset secus opinantes ad librum Pelagii Prædecessoris sui, qui eadem declaratione usus fuerat, subnectit: Si post hujus libri lectionem in ea, in qua estis, volueritis deliberatione persistere, sine dubio non rationi operam, sed obstinationi vos dare monstratis. Post similes declarationes Theodelindæ Reginæ factas eandem monet his verbis: Cum itaque integritatem nostram ex aperta mea traditione seu professione cognoscitis, dignum est, ut de Ecclesia Beati Petri Apostolorum Principis, nullum ulterius scrupulum dubietatis habeat, sed in verâ fide persistite, & vitam vestram in Petrâ Ecclesiae, hoc est, confessione Beati Petri Apostolorum Principis solidate.

Cum igitur ejusdem Apostolorum Principis Successores Alexander VII. Innocentius X. Clemens IX. Innocentius XII. & Clemens XI. quinque propositiones è librō, cui titulus Augustinus Cornelij Jansenij, excerptas esse declaraverint; atquè in sensu, non S. Augustini, sed Jansenij eas ut hæreticas damnaverint; quis est, qui Augustinum per Latus Jansenij mactatum censeat, cum Romani Pontifices usquè ad præsentem, Magnum Augustinum ut fulgidissimum Catholicae Ecclesiae Solem, maximumque Doctorem consecrarint? Claret proinde Jansenij Defensores non jam rationi, sed obstinationi ope-

R. 2. ram.

628 EXCURSUS CONTRA

ram dare cum pertinacibus Capitulorum Patro-
nis. Ac proinde quos tam indiffonabilis Aposto-
licæ Sedis Confessio non sanat , non Augustinum
L.2. ep. 36. diligere , sed Marris Ecclesiæ sinum odiſſe convicti
sunt. Vos , sicut Gregorius istos , hortamur , ut
mentis tumore depositō , tanto citius ad Matrem ve-
ſtram , quæ filios exspectat & invitat , Ecclesiam
redeatis , quanto vos ab eā quotidiē exspectari cognos-
citis. Nec est , quod in bonorum specie operum
gloriantur , qui Matris ac Matricis Ecclesiaz , ac
Magistræ omnium fidelium voces spernunt di-
centes , Janseniani voluminis sensum proprium
& obvium esse Catholicum , quem illa hære-
ticum fulgurivit : Quia sicut Rami sine virtute
radicis arescant , ita opera quantumlibet bona vi-
deantur , nulla sunt , si à soliditate fidei disjungun-
S. Aug.
Serm. 2.
de verb. Ap. struantur , docemus , ut in-
cap. 10. destruantur , monemus , ut in-
mutentur , oramus .

§. 7.

Cornely Iansenij Defensores Paulus Au-
relius & Avitus Academicus Pela-
gianorum imitatores dicentes Ro-
manos Iudices esse Corruptos.

Sicut novus Hæreticus novos Judices queris ,
quasi tibi vidéri aequi Judices possint , nisi
quos vestrō errore deceperis. S. Aug. cont.
Jul. l. 2. op. post. c. 2.

Auitus
Paranensis
pag. 223

AVITUS Academicus , dum Romanos Pontifices
famosæ Pentados Jansenianæ damnatores
in malam causam irretitos pronuntiavit , compen-
diō ingentia contumeliarum plaſtrā complexus
est